

# **PRESIDENT BRAND PRIMÊRE SKOOL**

## **ALGEMENE SPORTBELEID**



**GOEDGEKEUR DEUR BEHEERLIGGAAM OP \_\_\_\_\_ FEBRUARIE 2022**

**INHOUDSOPGAWE:**

1. Inleiding.....	3
2. Visie, Missie en Waardes .....	3
3. Aanbieding van Sport .....	4
4. Struktuur .....	5
5. Kommunikasie .....	5
6. Logistiek .....	6
7. Gedragskode tydens oefening/wedstryde .....	6
8. Algemene Reëls en Etiket .....	8
9. Kleredrag .....	9
10. Erkenning en Toekennings .....	9
11. Finansies .....	9
12. Slot .....	10

## **1. Inleiding:**

Die doel van hierdie dokument is om die doelwitte, basiese beginsels, algemene reëls en riglyne, gedragkode, prosedure en struktuur van sportdeelname by President Brand Primêre Skool te dokumenteer. Die einddoel is om te verseker dat kommunikasie tussen ouers, kinders, sportorganiseerders, onderwysers, afrigters, sportkomitees en alle betrokkenes verbeter..

## **2. Visie, Missie en Waardes:**

### 2.1 Visie:

- Om sport by President Brand Primêre Skool as 'n opvoedkundige instrument te bevorder deur middel van kwaliteit afrigting en toeganklik te maak vir alle leerders wat wil deelneem.

### 2.2 Missie:

- Om sport by President Brand Primêre Skool só aan te bied dat dit vir elke deelnemende leerder 'n genotvolle ervaring sal wees.
- Om die nodige vaardighede af te rig, wat sal verseker dat die leerders tot hulle volle potensiaal sal ontwikkel.
- Om die nodige afrigters (spesialiste) te identifiseer om die vereiste vaardighede by die leerders te vestig.
- Om sport aan ons leerders te bied deur goedtoegeruste, gemotiveerde en kundige afrigters te gebruik, met die beste, bekostigbare fasiliteite binne die omgewing, in vennootskap met betrokke ouers en instansies.

### 2.3 Waardes:

- Ons kinders kom eerste.
- Ons kinders behoort hul eie ideale uit te leef, nie dié van hul ouers nie.
- Ons is toegewyd in ons betrokkenheid by ons skool se sport.
- Ons moedig dit aan dat elkeen groei in sy of haar deelname.
- Ons gee om vir mekaar en respekteer mekaar.
- Ons erken individualiteit en moedig groepsdeelname aan.
- Ons respekteer kulturele verskille, veral wanneer ons teen ander skole deelneem.
- Ons moedig verdraagsaamheid en sterk etiese waardes aan.
- Ons kweek 'n positiewe uitkyk op die lewe by ons kinders aan.
- Ons strew na eerlikheid en integriteit.
- Ons ondersteun deelname van almal, insluitende die ouers.
- Ons bevorder leierseienskappe en beloon goeie sportmangees.
- Ons ontwikkel selfvertroue by die leerders deur middel van sport.
- Ons kweek lojaliteit by leerders ten opsigte van sy / haar span en skool.
- Ons ontwikkel 'n goeie, gesonde gesindheid by leerders, deur middel van sport.

#### 2.4 Doelwitte vir elke deelnemer, afrigter en betrokke:

- Die onvermoeide, volgehoute aanleer van besondere vaardighede. Die bevordering van verstandelike en geestelike prestasie omdat dit nie geskei kan word van fisiese prestasie nie.
- Om al die leerders, ongeag hul individuele vermoëns, aan gelyke vlakke van afrigting bloot te stel, sodat die leerders gelyke geleenthede ontvang om hulle talente te ontwikkel.
- Om alle sportaktiwiteite te monitor, te koördineer, organisasie en kommunikasie te verfyn en te verseker dat alle aktiwiteite op 'n professionele vlak funksioneer.
- Waar kundigheid ontbreek, word gebruik gemaak van kundige ouers of buite afrigters.
- Kommunikeer gereeld en betyds met alle rolspeleers.

### 3. Aanbieding van Sport

#### 3.1 Sportsoorte:

Die volgende sportsoorte word by President Brand Primêre Skool aangebied:

1. Atletiek
2. Krieket
3. Netbal
4. Rugby
5. Tennis
6. Skaak
7. Hokkie

#### 3.2 Sportindeling:

Die sportaanbieding/wedstryde per kwartaal as volg, maar kan gewysig word:


<b>KWARTAAL 1</b>	<b>KWARTAAL 2.</b>	<b>KWARTAAL 3.</b>	<b>KWARTAAL 4</b>
Atletiek(Voorkeur)	Rugby	Hokkie	Krieket(Voorkeur)
Krieket(Voorkeur)	Netbal	Tennis	Atletiek
Rugby	Skaak	Skaak	
Netbal			

#### 3.3 Oefentye:

Oefendae en -tye sal aan die begin van elke seisoen aan ouers en leerders gekommunikeer word, maar kan verander word indien nodig, of as verskillende sport soorte bots. Dit is belangrik dat 'n leerder en sy / haar ouers keuses sal uitoefen en daarby sal hou. Ons beveel aan dat 'n leerder aan minstens een, maar hoogstens twee sportsoorte per kwartaal sal deelneem. Ouers moet hulle kinders lei om nie by te veel aktiwiteite betrokke te raak nie. Die sportsoorte vir 'n spesifieke kwartaal het voorkeur om oefentye te bepaal.

## 4. Struktuur

### 4.1 Sportstruktuur:



### 4.2 Rolspelers:

- Die Sportorganiseerders is verantwoordelik vir die bestuur en koördinerings van 'n sportsoort, asook kommunikasie ten opsigte van die spesifieke sport.
- Die afrigter is verantwoordelik vir die afrigting van 'n spesifieke sportsoort, die spelpatroon en die kies van die span. Dié persoon moet gekwalifiseerd wees, met voldoende ervaring in die afrigting van die spesifieke sport. Die persoon moet ook as skeidsregter kan optree by wedstryde.
- Hulpafrieger(s) ondersteun die afrigter en help spesifiek met die inoefening van spesifieke vaardighede, opwarming en kleiner groep-oefeninge.

## 5. Kommunikasie:

### Algemeen:

- Kommunikasie is die kern tot die suksesvolle beoefening van sport by ons skool.
- Kommunikasie moet gereeld, betyds en volledig wees.
- Kommunikasie is die verantwoordelikheid van die Sportbestuurder en die Sportorganiseerder(s).

### 5.1 Querkontak:

- Indien 'n ouer iets wil bespreek rakende 'n speler, kan hy / sy die afrigter skakel.
- Indien 'n ouer nie die afrigter direk wil skakel nie, praat asseblief met die Sportorganiseerder / Skoolhoof

### 5.2 Klagtes:

- Klagtes moet onder die Sportbestuurder / Skoolhoof se aandag gebring word.

## 6. Logistiek:

### 6.1 Logistieke beplanning:

- Logistieke beplanning is die verantwoordelikheid van die Sportorganiseerder(s).

### 6.2 Fasiliteite:

Die skool beskik oor fasiliteite vir oefening en wedstryde in die volgende sportsoorte :

- Atletiek
- Krieket
- Netbal
- Rugby
- Skaak
- Tennis
- Hokkie

### 6.3 Weersomstandighede:

- “Reënreël”: die skool besluit of oefeninge / wedstryde afgestel word as gevolg van reën en/of Weerlig.
- Leerders en ouers sal betyds in kennis gestel word vóór oefeninge/wedstryde plaasvind.

### 6.4 Sportfoto's:

- Spanfoto's word jaarliks geneem (spelers in korrekte sportdrag).

### 6.5 Toere:

- Dit staan die organiseerder en afrigter vry om volgens die Skoolbeleid ten opsigte van toere só 'n uitstappie vir 'n betrokke sportsoort te reël.
- Dit moet noukeurig en betyds beplan word in oorleg met die Sportbestuurder en Skoolhoof.

### 6.6 Byeenkomste, ligawedstryde en toernooie:

- Raadpleeg die Nuusbriewe vir alle inligting aangaande oefentye, wedstryde en ander reëlings. Sien ook D6 Connect.

## **7. Gedragskode tydens oefeninge en wedstryde:**

### Algemeen:

- Die Sportbeleid is onderhewig aan, en onderskryf ten volle die skool se erekode en algemene gedragskode. Daarby voeg ons graag die volgende sake, spesifiek gerig op positiewe sportgedrag.

### 7.1 Sportmangees:

- Alhoewel deelname aan sport 'n fisiese aktiwiteit is en daar kompetisie betrokke is, moet elke leerder besef en leer hoe om 'n goeie en voorbeeldige sportman of sportvrou te wees.

### 7.2 Onaanvaarbare gedrag:

- Laat vir wedstryde, of wegbly van wedstryde sonder 'n geldige rede.
- Laat vir oefeninge, of wegbly van oefeninge sonder 'n geldige rede.
- Slordige voorkoms of verkeerde kleredrag.
- Onsportiewe optrede.
- Persoonlike aanmerkings teenoor teenstanders.
- Vuil taal.
- Uitdaging van skeidsregters se gesag.
- Die gooi of beskadiging van toerusting (bv. tennisraket of krieketkolf)
- Enige optrede wat die skool se goeie naam in gedrang kan bring.

### 7.3 Gedragskode vir leerders:

As 'n deelnemer aan buitemuurse aktiwiteite by President Brand Primêre Skool, moet ek besef dat ek te alle tye 'n ambassadeur is vir my skool, en sal:

- Altyd goeie sportmangees openbaar en by die reëls van die spel hou.

- Altyd respek teenoor my maats, opponente, skeidsregters en afrigters betoon.
- Altyd onthou dat ek deel is van 'n span en dat die span se belange bo my eie belange geplaas moet word.
- Altyd lojaal te wees teenoor my spanmaats en hulle nooit in die steek laat deur onnodig weg te bly van oefeninge af, of om in die middel van 'n seisoen op te hou met die beoefening van 'n sportsoort nie.
- Altyd betyds wees vir oefeninge, wedstryde en kompetisies.
- Alle toerusting met respek hanteer.
- Geen swak of kru taal gebruik nie.
- 'n Nederlaag met ware sportmangees en sonder verskonings aanvaar en erkenning aan die opponente gee.
- Nederig wees in oorwinning.
- Altyd jou beste, ter wille van jou skool, jousef én jou span te gee.

#### 7.4 Gedragskode vir ouers/toeskouers:

- Die Skoolhoof bly verantwoordelik vir die gedrag en optrede van sy ouers, personeel en leerders.
- Alle toeskouers moet die skool se maatreëls by toegangshekke gehoorsaam ten einde tot die skoolterrein toegelaat te word.
- Alle toeskouers moet tydens oefeninge op die pawiljoene of onder die bome(walletjie) sit/staan.
- Geen ouers mag op 'n sportveld wees tydens die duur van 'n oefening/wedstryd nie. Slegs tydens wedstryde mag ouers langs die veld staan om te ondersteun.
- Ouers moet hulle nie skuldig maak aan kru taal, uitskel of slegsê van spelers, afrigters of skeidsregters nie.
- Stel die voorbeeld aan die spelers deur die beampptes se beslissings te aanvaar asook die afrigter se spankeuses.
- Ouers moet ingedagte hou dat spelers deelneem om die spel te geniet en te ontwikkel.
- Bewys respek teenoor die opponente.
- Veroordeel die gebruik van geweld, of dit nou toeskouers óf spelers is.
- Ouers mag nie met die speelpatroon van die afrigters inmeng deur sekere opdragte aan die spelers deur te gee nie asook nie inmeng met die kies van die span nie.
- Ouerafrigters mag nie betrokke wees by spanne waar hul eie kinders betrokke is nie.
- Geen drank mag deur ouers of toeskouers gebruik word tydens enige wedstryde of oefeninge nie. Indien u drank gebruik tydens bogenoemde, sal u onmiddelik versoek word om die skoolgronde te verlaat.

#### 7.5 Gedragskode vir personeel/afrigters:

- Wees altyd betyds vir oefeninge en wedstryde.
- Wees altyd toepaslik geklee vir oefeninge en wedstryde.
- Wees altyd objektief by die kies van 'n span en kies op meriete.
- Sien altyd toe dat noodhulp beskikbaar is tydens wedstryde.
- Moet nooit 'n oefening kanselleer op dieselfde dag, of sonder toestemming van die Skoolhoof of Sportbestuurder nie.

- Wees altyd voorbereid vir oefeninge en wedstryde. Maak seker dat jy die reëls van die spel ken en op hoogte is van enige reëlveranderinge.
- Maak seker dat jy op hoogte is van die beste afrigtingmetodes en -tegnieke deur gereeld opknappingskursusse by te woon.

#### 7.6 Prosedures in geval van wangedrag:

- Waar 'n ouer / persoon hom / haar wangedra, is dit die verantwoordelikheid van die Skoolhoof / Onderwyser / Afrigter / Beheerliggaam om aan hierdie ouer die boodskap oor te dra dat sy / haar optrede nie aanvaarbaar is nie en dat dit 'n verleentheid vir die skool, die ouergemeenskap, leerders en die sport is.
- Indien hierdie persoon nie ag slaan op die berisping nie, moet hy / sy versoek word om in belang van alle partye, nie verdere wedstryde by te woon nie en onmiddelik die skoolgronde te verlaat.

### **8. Algemene Reëls en Etiket:**

#### 8.1 Ouderdomsgroepe:

- Elke speler mag slegs in sy / haar ouderdomsgroep deelneem. Onder normale omstandighede mag 'n speler nie "opspeel" nie. Met ander woorde, geen jonger speler word toegelaat om in 'n hoër ouderdomsgroep te speel nie, al is hy / sy beter as die ouer spelers, behalwe in ligas waar daar nie voorsiening gemaak word vir jonger kinders nie. Bv. Daar is nie 'n o/10 liga in rugby nie met die gevolg dat spelers wat o/10 is in die o/11 liga speel en sodanige span word dan op meriete gekies. In uitsonderlike geval, en in die diskresie van die Skoolhoof, mag leerders "opspeel".

#### 8.2 Kies van spanne:

- Alle spelers word volgens meriete in spanne opgeneem. Spelers word ook volgens meriete verwys na proewe vir Vrystaat kleure.

#### 8.3 Toerusting:

- Hanteer alle toerusting met respek. Afrigters moet verseker dat dieselfde hoeveelheid toerusting ná 'n oefening / wedstryd terugbesorg word.
- Leerders en afrigters sal aanspreeklik gehou word vir die beskadiging van toerusting indien dit vir 'n ander doel gebruik word as waarvoor dit vervaardig is.

#### 8.4 Kapteine van 'n span:

Die kaptein en onderkaptein is verantwoordelik vir:

- Ontvangs van opponente met tuiswedstryde en die loting.
- Maak seker dat spanmaats korrek geklee is.
- Sien toe dat toerusting na afloop van tuiswedstryde weggepak word.
- Praat met die skeidsregter namens sy span. Die res van die span bly stil op die veld.

#### 8.5 Afwesigheid:

Die volgende reëls moet toegepas word ten opsigte van afwesigheid tydens oefeninge / wedstryde:

- 'n Speler moet vooraf 'n skriftelike verskoning inhandig by die afrigter, indien 'n oefening of 'n wedstryd gemis gaan word.



- Ouers moet 'n afrigter onmiddellik in kennis stel indien 'n speler as gevolg van omstandighede buite hul beheer, nie 'n wedstryd kan bywoon nie.
- Indien 'n speler 'n oefening mis, mag hy / sy nie in die daaropvolgende wedstryd speel nie, behalwe as daar 'n aanvaarbare rede vir sy / haar afwesigheid was.
- Indien 'n speler 'n wedstryd mis s nder 'n aanvaarbare verskoning, mag die afrigter die speler uit die span haal vir die volgende wedstryd.
- Geen speler mag deelneem aan oefening of wedstryde indien hy / sy siek is nie.

#### 8.6 Sporttoerusting en fasiliteite:

- Alle spelers en afrigters moet sporttoerusting en fasiliteite met respek en verantwoordelikheid hanteer.
- Enige vorm van vandalisme of beskadiging word beskou as 'n ernstige oortreding. Sodanige spelers / afrigters is onderworpe aan die skool se dissiplin re prosedure, asook vervanging daarvan op die betrokke persoon se eie koste.
- Enige verlore goedere moet ingehandig word by die afrigter. Alle verlore goedere word na die Klerebank geneem en kan daar afgehaal word.

#### **9. Kleredrag:**

Ons skool se voorgeskrewe kleredrag vir sportdeelname is as volg:

- Alle sportspanne speel in voorgeskrewe sportdrag, soos vir die spesifieke sportsoort bepaal.
- Slegs eerste spanne mag n  goedkeuring deur die Skoolhoof en afrigters, alternatiewe drag dra.
- Geen nuwe - of ander sportdrag mag vir 'n eerste span aangekoop of bestel word, alvorens dit nie deur die Skoolhoof goedgekeur is nie.

#### **10. Erkenning en Toekennings:**

- Erkenning en toekennings word gebruik om spelers te motiveer en aan te moedig tot groter sukses.

#### **11. Finansies:**

##### 11.1 Begroting:

- Die Beheerliggaam en Sportorganiseerders is verantwoordelik vir die Sportbegroting.

##### 11.2 Donasies:

- Donasies word verwelkom. Alle donasies moet direk by die skool se finansi le kantoor inbetaal word, of in die skool se bankrekening.
- Die Finansi le Bestuur en Skoolhoof sal die donasie toeken aan die betrokke sportsoort/e soos deur die donateur voorgeskryf en kan voorafgoedgekeurde uitgawes uit die donasie gedek word.

##### 11.3 Borge:

- Borge moet deur die Skoolhoof en/of Beheerliggaam goedgekeur en geko rdineer word.

##### 11.4 Uitgawes:

- Die skoolhoof en Finansiële Beampte is verantwoordelik vir die noukeurige bestuur van alle sport uitgawes.

#### 11.5 Affiliasie:

- Baie sportsoorte is geaffilieer by beherende sportliggame in die provinsie of by sportliggame wat toesig hou oor die sport in ons land. Alle sportsoorte word aangemoedig om dié affiliasie in stand te hou.
- Affiliasiegelde is normaalweg jaarliks betaalbaar.

#### 12. **SLOT:**

- Hierdie algemene sportbeleid is 'n raamwerk waarin sport by President Brand Primêre skool funksioneer.
- Spesifieke sportsoorte se reëls kan afsonderlik beskikbaar wees indien nodig en in samewerking met hierdie sportbeleid.



**Johan Wessels**  
**Beheerliggaam**  
**(Voorsitter)**



**Louis Smith**  
**Skoolhoof**

**Datum: 2022-02-22**